



07187

庚辛泣杭錄卷七

繆德棻庚申浙變記



咸豐八年三月僞翼王石達開率大股逆衆犯衢州圍城九十餘日先武烈公任金衢嚴道兼督軍事既已激厲將士堅守苦戰使不得逞志而遁去矣越二年而有庚申之變當己未十月江南假浙闡鄉試應試諸生以及僕從由皖中來者衆且盈萬關隘莫能詰其時已有賊謀入杭偵我虛實十年正月江南軍克九泖洲金陵踞賊被圍甚急僞忠王李秀成僞侍王李世賢等從六合渡江集蕪湖謀擾浙以分官軍之力而緩金陵之圍上元甫過逆衆卽由南陵疾趨而東甯防總統湖南提督周公天受不能遏截旬日之間涇太平旌德甯國四縣皆被陷二月戊戌又陷廣德州浙西無關扃之阻而寇偪門庭矣先是徽甯各營皆仰藉浙餉歲濟三十餘萬金迨甯防有警又調浙軍數千馳往助勦周公頗存主客之見每一軍至檄令分駐數處兵分則力薄遇賊輒敗潰將士寒心逆焰益熾巡撫羅公遵殿乞援於徽防及金陵大營先武烈公時署鹽運使兼治文營務處因請并咨甯防周公酌留萬人守甯國府城其黃池灣泚萬餘

人調回浙省內顧而兩江總督何公桂清致書羅周  
兩公責浙臨事張皇謂皖南爲兩江轄境宜各顧疆  
圍所駐諸軍不得抽調廣德旣陷杭城惟有衢州鎮  
總兵李公定太一軍二千餘人羅公亟令赴援四安  
尋又改援安吉癸巳賊已由東亭湖陷安吉縣城李  
公行至距縣三十里之梅溪不見一賊方率同將弁  
相度營基皆徒手未攜寸鐵俄而賊大至四面包裹  
驟難抵禦部將馬步青等十二人同時遇害李公躍  
入水中爲潮勇救護得免卽退駐湖州戊申賊復由  
四安陷長興庚戌犯湖州郡城直薄青銅橋會金陵  
大營飭總兵曾秉忠統長龍礮船六十艘自太湖駛  
至鳴鼓而進軍容甚壯急擊賊走之辛亥賊陷孝豐  
壬子夜從間道襲武康癸丑經狗葬夜焚良渚杭城  
尙未之知也四鼓先武烈公得密報立卽赴撫院叩  
署門謁見商守禦事越翼日甲寅辰刻賊至武林門  
前隊假冒官軍稱來自甯防將混入城統領寶勝軍  
候選道陳炳元登城覘望知爲賊隊令速閉城乃不  
得入蓋賊以是日爲觀音大士誕辰大吏必至天竺  
進香欲邀戕之湖上乘勢奪城而未知故事於十八  
日預祝也時城中祇有撫標兵二千餘寶勝軍千人

都司姚發科復勝勇五百

復勝勇本止三百人守備  
瞿先仲所管領李公定太

總統諸軍改請姚發科又  
添募潮勇二百共五百人

協防局團勇三百及吾弟

候選同知植禮傑勇二百此外則惟滿營駐防之人

城周三十六里有奇為門十東曰清泰西曰湧金南

曰鳳山北曰武林東南曰候潮望江東北曰慶春艮

山西南曰清波西北曰錢塘共四千九百餘堞堞廣

丈許

前明九千八百三十三堞  
五年總督李公率秦併女牆二堞為一

國朝順治十兵少

不敷分布城外又無軍立營適金陵大營從江西募

勇二千人過杭即留駐望江門外按察使段公光清

率布輿有兄弟廣勇二百先已往餘杭守獨松關為

庚辛江杭錄卷七

三

賊所格乙卯仍回省城是日甯紹台道仲孫公懋亦

自甯波率興勇二百奉調來杭賊薄城下即分撲武

林錢塘湧金清波各門於湖上列營十餘座並於城

外諸山結壘錯峙取淨慈寺羅漢像環壘執旂城上

疑為賊擊之以礮不動羣賊既踞山巔憑高俯瞰礮

子雨落守陣者頗洵懼丁巳賊又登玉皇山先武烈

公與段公酌撥守城之軍由候潮門出戰甯波之業

陷於杭者數千人

以捶錫箔為業皆甯波人

鼓其氣血之勇請助

官軍擊賊因給以軍械令隨於後見賊輒驚潰官軍

戰數合以眾寡不敵亦徐徐收隊而歸庚申先武烈

公偕段公又督隊出候潮望江兩門接戰賊勢猛撲我軍奮力迎擊僅獲交綏皆以兵力過單之故先武烈公議堅守以待援師而各路之軍無一至者金陵大營遣廣西提督張玉良來援其前鋒副將向奎率千五百人於是月己酉已抵蘇州逗撓不卽進丁巳至平望取道海甯辛酉薄暮始抵杭州清泰門外張玉良率所部二千餘人於己未至蘇吳中大府意謂杭城且失不及援救欲令向奎駐嘉興張玉良駐湖州陰固蘇省門戶玉良之過常蘇大府皆飲之酒俾闕城置守而後行督辦皖南軍務副都御史張文毅

庚辛泣杭錄卷七

四

公芾遣總兵米興朝率三千人自徽州來援戊午至富陽怯不敢前縱兵劫掠鄉民聚眾圍殺傷亡數百人李公定太因梅溪之屺退駐湖州爲賊牽制亦不能迅速赴援杭城自被圍後大雨浹旬賊在清波門外之西竺庵開掘地道日夜擊金鼓以亂其聲先武烈公守清波門當賊衝露宿城上目不交睫督仁和令李福謙募丁壯治內壕并增築子牆雨甚工不得就又撥敢死士夜繼而出兩次進攻西竺庵賊穴牆列槍我軍逼近則眾槍齊發銳卒多死庵不得毀蕪之以火亦以雨故弗能焚己未夜仲孫公懋手擲藥

包火反撲創甚歸臥寓中孤城岌岌危在旦夕而杭人方且與各軍爲仇日事修怨洩忿賊之始至大府下令飭復勝軍焚附郭民居則仇結愈深復勝軍募有潮勇二百皆廣東潮州人故名潮勇服飾奇異言語侏離遂譁言爲賊伺其入市卽羣聚而殺之尸僵路隅以一二百計忽又譁言城外無一賊請毋庸閉城邵部卽懿辰亦屢爭無賊應啟城以定民志先武烈公曰如君言是開門揖盜謀盡蒼生矣懿辰大悲已而杭人知果有賊則又以官軍不能剋日擊退訾當事者之畏縮有王道平者賣十杭城十餘年矣無何有人疑其

庚辛泣杭錄卷七

五

通賊謂已受僞職爲平道王擒送營務處請速殺之發其寓所囊裝絕無左證略待鞫訊觀者已鬻割其肉立盡連日恒擾喧闐借端尋釁理論不從勢禁不可將生內變先武烈公以爲大憂辛酉巡撫羅公集司道會議懸賞六千金令各軍挑選精銳約定五鼓力攻西竺庵期必蹋毀而後已是夜大雨如注竟不能出隊越翼日壬戌黎明雨稍止急傳隊伍地道猝發城崩十餘丈悍賊蟻附而上先武烈公遮截清波門各軍督令血戰而闔城守兵盡潰無後繼者乃大呼殺賊賊矛蝟集面受數十創項被斫幾斷猶屹立

洞胸裂腹並爲火器轟折右足始仆

清波門跨山爲城洵難處地名

雲居山守備孫遇龍僕夫丁春漢同殉焉嗚呼痛哉方

賊之入城也下城居民且謂復勝軍在上城作亂益爭殺復勝軍旣又不問何軍皆殺之各軍逃死之不暇故頃刻間城上無一兵一卒而省垣遂陷巡撫暨各司道聞之亟詢左右曰繆某尚在否則以清波門城上禦賊被戕告皆歎曰繆某已死大事去矣可若何羅公卽自縊署布政使糧儲道王公友端卽仰藥杭嘉湖道葉公塋孳第三子江蘇候補知縣祖豫投於井署杭州知府馬昂霄繩井未死賊至鉤出加刃

庚辛泣杭錄卷七

六

焉先後均畢命署中署仁和知縣李福謙縊於吳山城隍廟仲孫公懋火傷未愈在寓被害候補道許公煨亦戕於城上陳炳元提殘卒巷戰死候補知縣馮佩珩管領舳板礮船巡防嘉湖聞賊撲湖州佩珩飛書以告而湖州府縣無隻字具報巡撫羅公謂佩珩妄言將逮治先武烈公請委員往覘之至中途則聞湖州實已被圍見有他軍礮船潰退者以爲佩珩所部也回告羅公益怒甚趣提訊佩珩赴杭欲自白日暮總城入次日城陷亦死之都司鄔得勝攜數十人由甯國馳回杭州行至淨慈寺爲賊所殺時滿

營未破將軍瑞昌公與副都統來存公佐領傑純公督旗兵堅守婦女亦持矛刺賊賊累日猛攻死傷枕藉危急萬分甲子張玉良行次湖州三月丙寅乘小舟以六百人至武林頭知省城已失遣從九品徐殿臣改裝入城密約將軍接應丁卯全軍抵武林門賊虜聚城中城外無賊故可長驅直入因令守備龔占鼇等率勇士由艮山門豎梯攀城斬守陴之賊奮呼而登滿營礮聲大震玉良督親軍繼進賊不料援師之驟至一無準備見張字大旂咸驚愕以爲副帥張國樑實來卽日棄城遁由湧金清波兩門走平窰出

庚辛江杭錄卷七

七

獨松關破臨安孝豐留賊踞城餘悉竄回廣德甯國壬申我軍克復臨安戊寅克復孝豐金陵大營續遣總兵熊天喜來援己卯會同曾秉忠礮船分水陸兩路攻克長興壬辰熊天喜又復廣德而浙境無賊蹤矣賊之犯杭也本不及萬人特以守兵寡弱圍攻八日而遽陷賊在城中六日恣意焚掠鹽運使署輒遭一炬遂成焦土民居亦多被焚官紳士女之死者六七萬人先武烈公殉難後是日午未之交賊盡趨下城乃乘間將遺骸從城上昇歸署中夜半又移至后市街賃宅於廳事後掘地數尺棺而埋之城旣復始

得備冠服成殮權厝龍井山趾閏三月王公有齡撫浙統師入城已酉金陵大營兵潰兩江總督何公棄常州遁走賊於是連陷常蘇浙省又警破城墮邑靡有甯日其時良將勁兵固已十倍於前而猶不能自保其疆土辛酉十一月杭城且再陷於賊遂至全浙淪胥是誰之咎歟抑亦劫數未盡歟按楊公昌濬平浙絕略曰浙自聞警設防首尾十載彈土竭廬以事人一借將金陵再借將福建三借將徽州江西迄無解於十年二月之禍而金陵亦因兵少備分而燿師卒乃收其敗將潰卒因循不振以迄於亡前湖北巡

庚辛泣杭錄卷七

八

撫胡文忠公疏云用兵數年各省皆有得力之將數人以折衝禦侮於其間浙省之有與否臣不得而知之是鄰封皆知借將之非也而且官與紳仇官與官紳與紳亦仇民與軍仇民與民軍與軍亦仇乖氣致戾莫之或救孟子曰天時不如地利地利不如人和不其然乎又前閩浙總督今宮保大學士恪靖侯左公宗棠疏云十年二月間杭州被圍變起倉卒維時兵單而駑將驕而怯繆梓與前任撫臣羅遵殿殫心區畫無補時艱此皆深悉致敗之由而持論最爲允當者也德棻未諳兵略謬預戎行庚申之春方偕李

公定太出省先武烈公命暫留隨侍遽遭大變奔赴  
清波門遇賊於途幸而獲免惟城亡不能效包胥之  
哭父死弗克盡申鳴之孝苟生偷活以至今茲抱恨  
終天痛心何極爰取當日之事一一筆之較諸傳聞  
異詞者不無詳確至於辛酉之冬杭城再陷則已攜  
家避亂海陵未嘗親在圍城所有戰守事宜及擾害  
情形不敢贅一辭矣光緒己卯春三月德棻謹記於  
西江臬署之存愛齋

庚辛泣杭錄卷七終

庚辛泣杭錄卷七

九

庚辛泣杭錄卷八

許奉恩轉徙餘生記

咸豐庚申人日抵杭州順訪葉季華司馬相見驩甚

會永嘉令呈誤應推司馬攝篆因尼子曰新安亦非  
樂土永嘉大好山水不佞權篆於此屈君司筆札爲  
籌畫納貲縣尹亦甚易易奚必馳驅戎馬是時季華  
住金衙莊章桐門相國故宅園林爲浙西冠子日涉  
成趣重以司馬款留新安之行遂不果有孝婦陳桂  
靈者能詩工畫兼精鍼黹其夫游惰嗜博誘婦爲倡  
以償博負婦不從因反目婦事姑孝以十指供甘旨

庚辛泣杭錄卷八

一

畫婦道鄰里稱之所居與司馬對門予嘗與司馬過  
其家論詩品畫頗有見地遇有緩急司馬必曲濟之  
倡和甚多以城陷散佚子園中題壁八首有句云迎  
人橋背曲閱世樹心空婦擊節歎賞司馬與商園名  
婦曰公桐城人居桐門相國園卽名之曰桐園如何  
司馬稱善請子爲擘篋書題於其楣園有五色木芍  
藥花朝日司馬就子小酌以餘滴酌花神祝其速放  
忽蒼頭入報賊大股至湖州不日卽到此宜早爲計  
衆啖爲譟語飲罷同至城隍山遇同里吳康甫貳尹  
所言亦同十五日漸有遷避出城者十六日出城者

更多或謂司馬曰警報甚確君亦宜將媵屬過江葉  
歎曰不能眾請其說曰自故鄉被兵族戚遠來相依  
者多挈之偕往不能舍之獨往又不忍不如不遷之  
爲得予肅然曰君言及此皇天后土實其鑒之吉人  
天相可爲君券蓋君之族戚避兵來浙者十餘家皆  
待君舉火也十七日諜報賊距杭數十里有司下令  
閉城出示禁止居民出城十八日飯後聞傳賊已至  
予與司馬上城隍山瞭望果見錢塘武林兩門外各  
有賊旂數十計不過數百人十九二十兩日來者漸  
多西湖邊亦有賊旗然統計不過千餘人自十八以

庚辛泣杭錄卷八

二

後無日不雨賊在城外焚燒民房晝夜不絕城中紳  
民日登城隍山見賊數不多皆欲隨官兵出城攻擊  
大府持重不許二十一日雨益大賊燒民房益甚火  
光燭天黑夜人能自視掌紋連日紳民無如之何請  
同官兵循環守城許之紳民慮官兵之或與賊通也  
故有是請城門俱閉惟開候潮門通錢塘江餉道以  
重兵二萬餘人守之城上軍屯聯絡夜間燈火輝煌  
兵民輪流巡邏此上彼下彼上此下防範周密以爲  
可保無虞矣二十五夜漏二下礮聲大震喧言鳳山  
門陷紳民奮不顧身偕往救急拋滾木壘石幸賊來

無多公然擊退視城陷才數丈運甃石灰泥竟夜築成共相慶慰二十六日雨益大晚間城外礮止火息耳日俱靜司馬謂予曰日來寢不安席嗜甚矣憊今夜大雨度賊不來吾等可安睡一宵矣司馬既去予挑燈孤坐中心忐忑遞數更籌不能就枕亡何譙樓鼓絕窗紙漸白方欲解衣突聞礮聲不絕殆城破矣司馬宅距城垣半里許園中假山最高敞戶張蓋躡其巔見城上各營兵已起浙米河干瞥見一人朱衣狐裘乘白馬而來似曰起起賊已破城速往攻聽之不甚了子軍士皆荷戈隨之向西而去不瞬息閒軍

庚辛泣杭錄卷八

三

士返奔紛紛棄械縋城遁予往叩司馬寢門呼司馬司馬披衣出告以狀曰奈何予曰君前日質比鄰民間小屋可暫避司馬問予焉往予曰君有媿屬難以偕行予命聽天萬一得出再圖後會揮淚而別檢舊作各種草稿都爲一束將出門有司馬族子二人其戚方君西席左君二人同來乞予攜帶正苦無伴遂與四人堅約跬步勿離雨仍未已途中貧富男女扶老攜幼蹉跌啼號不可言狀私計人多當是孔道從之疾行抵艮山門大街剛至半途則見一綠帷官輿其杠已折十餘人四圍以手舁之行後隨兵弁數百

人皆受創血流被體意是督兵大吏潰而奔必有賊  
遂北在後逢一衛急招四火同入則方左二人尙存  
兩葉已落後被害矣出衛則空曠之地可數十畝其  
右小屋鱗比約數百戶末一戶編柴爲牆障席爲門  
半掩未闔急與二人推門入榜有麻索縲而鍵之歘  
見一男子踣臥牆角敗草中低聲以嘶問之爲府署  
庖丁賊以矛穿其腹血濡鞞搖手令勿聲迺佯身蹲  
地自牆隙外窺口默誦大悲咒求佛庇但聞羣賊噪  
呼殺妖其聲慘暴未幾賊亦由衛至此遇逃難者以  
刀迫索財物有財則生無財則一刀了之且淫汚婦

庚辛泣杭錄卷八

四

女大雨如注悍然不顧約半時許舍此他往予賴席  
門遮蔽獲免賊去房主人出鬚鬚有髭遠前問予邦  
族作何生業予答以徽人向在清河坊業茶肆其人  
麾令去予請僦一榻之地不許倏有數鄰人至一人  
曰此番兵民輪守防範甚嚴賊來不多破城甚易非  
有內姦不能入一人曰誠然頃見裹紅巾賊實係營  
勇前日市我家帛數匹製旗幟今又裹巾旬結何疑  
予獻計曰君言不謬某本皖人熟知賊情賊本無伎  
倆全恃旬結內姦賊來不過千人今公然破城虜劫  
財物不少如能號召數千人頃刻可將所劫者奪回

緣此閒機房同爲甯波人素耆利聞予言曰善蓋其謀之乃鳴鉦爲號頃刻集數千人持兵刃追賊賊本無多見衆來追疑大兵從天而降賊懼狂奔棄物於地自相殘踏死者不少機房之衆各有所得而歸房主人又來逐予予以勸其追賊獲利不爲無功主人曰吾等已約不得畱異鄉人今夜按戶搜查如搜出無論良莠殺不貸宜速去予欲歸金衙莊不識路乃乞主人爲覓一人作嚮導予番銀四餅行里許至一曲巷一家故與導者相識問將何往以金衙莊對其人曰止此去金衙莊五里頃有人來言一路居民稽查嚴密凡異鄉人概不許往來予觀是人年約二十餘語言伉爽便前與揖問其姓爲施亦杭人之業機房者請就屋暫避施問予對如前睇視良久乃首肯導者索銀徑去施出鍵戶反身予曰相君面非市井中人幸質言無隱予以實告施笑曰旣以實告不得不冒昧上陳小子業機一家三十餘口今罷市食用無所措當仰給於公子乃探懷出囊中物列几上曰番銀百餅頃用其四餘此敬以爲壽賊踞此久暫難以逆料只此淺淺聽君部署施曰公眞磊落人也平日飽飫官廚何能遠甘淡泊今旣有資當市越

釀與金華腊脯以佐饗殮何如子笑謝之乃於寢室樓上爲安二榻棲子三人并戒之曰如有來盤詰者請勿言容某代爲言之子三人居樓上日自窗隙外窺見賊紛紛挨戶接妖接過者予以號牌黏於門外越日四賊至施家徧按各屋至寢室聞一賊問施曰樓上有妖否施笑曰此乃臥室樓上匿人豈不爲人所鄙如不信請登樓覘之一賊訶曰旣已安民焉得闌入姊妹臥室賴此一言而免賊遂去施曰已給印牌可無患矣初賊圍杭城將軍瑞公屢請出戰諸大吏持重不許瑞公乃與副都統來公謀守駐防滿城

庚辛泣杭錄卷八

六

二公皆能軍故外城破而滿城獨無恙賊日來攻二公命偃旗息鼓女牆多備矢石架巨礮以禦之夜則不燃燈燭於濠邊暗掣鈴索聞鈴響則矢石與礮俱發相持數日殲賊無算賊後脅居民往攻咸謂徒手不可與戰願假軍械同往賊以機匠糾衆奪所劫財物其人皆剽悍狡獪若與軍械反爲所制不欲使戰俾守館舍供炊爨賊戰歸則館舍闐無一人已盡掠所有而遁大怒願以市井游民誅不勝誅益慮越人叵測乃於二十九日出僞示遣機匠等卽夕由太平門出城蓋防其爲變也施喜告子謂出城十里卽有

姻婭可依予趣具晚餐漏初下卽行予尙披狐裘欲  
易一敝緼袍不可得左爲挾茵褥方爲持書冊同行  
者三十餘衆是夜雨止賊焚城外屋照耀如白晝易  
行惟街衢尸積如山所見者凡三必須越尸而過旣  
至太平門門以內尸盡滿無隙罅相與移尸偃僕不  
予乃得出方城陷時已判一死庸詎知今夕之竟脫  
網羅耶緣江隄行平明甫抵施某姻婭家茅屋厪一  
榻予三人棲之施則挈媵屬賃屋以居予欲渡江則  
彼岸有乘閒攘劫者終日遣人偵探城中消息三月  
三日昧爽施叩門呼曰張壁田軍門已督師克復杭

庚辛泣杭錄卷八

七

州矣予披衣急起飯罷則聞道路欣欣相告曰賊遠  
遁矣軍門洞開城門招居民還家初四日子三人別  
施還金衙莊司馬已先歸互相慶慰司馬憂予難免  
於難方其歸也使人探訪或謂屋後井邊有衣狐裘  
著鞞者司馬歎曰是殆許君往驗之其髯如磔乃知  
非予予問司馬遇賊也未曰幸從君言暫避小屋一  
日有賊闖然入又一賊擊其袂讓之曰如此湫隘入  
奚爲掉頭皆去予賀曰曩言天相信然矣越日施歸  
訪予還所餘銀二十餅予卽以贈之杭州之陷賊殺  
人十二萬有奇河水爲赤金衙莊前後左右零骸斷

略狼籍於地予請司馬捐貲掩埋孝婦陳桂靈於賊  
來時屬其夫奉姑遠避自與一媪居守賊至欲強污  
之婦罵賊死克復後媪覺其夫不得尸無人殮司馬  
拉子往觀面目如生司馬爲市棺以殮此婦孝烈可  
風未審探入忠義錄否賊初至需次之官與幕客強  
半遠遁克復後將羅而致之或有以司馬與予薦於  
張軍門者重幣招之子商於司馬司馬曰行險徼倖  
可一而不可再此番賊少城大爲日無多吾儕獲免  
設再有不虞其能保乎君試思之吾亦從此逝矣子  
聽其言決計往新安矣

庚辛泣杭錄卷八

八

庚辛泣杭錄卷八終

庚辛泣杭錄卷九

本營華學烈杭城再陷紀實

咸豐十一年八月浦江不守嚴郡繼陷賊遂分股由  
桐廬富陽新城直趨臨餘九月十八日餘杭隨陷竄  
徧杭城賊之頭隊火器絕少或請於中丞曰乘其未  
定發兵擊之可必勝而營務處委員甘太守應槐以  
爲不可遠攻祇須待其來而禦之議遂寢二十二日  
火藥局失慎被焚轟去火藥三千餘斤二十三日賊  
有游騎數十自三墩餘杭塘而來調兵勇數百人前  
往巡哨遇賊而退自後賊愈徧愈近民團潰散二十

庚辛泣杭錄卷九

一

五日午未閒賊直至武林門外撲我賣魚橋營卡抵  
暮我軍潰退卡爲賊踞二十六日林方伯福祥從諸  
賢回援省城二十七日饒軍門廷選亦引軍還於是  
城上各守兵均歸軍門總統林方伯所部定武軍正  
議紮營望江門外以衛江路乃營未成而賊卽衝至  
十月初二日賊撲饒頭山營盤我軍不戰而潰副將  
楊金榜死焉勢甚危急王中丞有齡駐守鳳山門城  
上初五日張軍門廷頁率所部由上游來援急攻羅  
木營況副將文榜奪路入城謁中丞卽回江口是夜  
賊於候潮望江門外連營五六座天明已成杭城十

門合圍餉道阻絕連日於鳳山清波門外挖地道中丞令集民夫於城內外開挖濠溝並在黃泥潭一帶築土牆建木城其技遂無所施賊乃自海潮寺起至鳳皇山一路均築木城中填以土開鎗礮眼張軍門於羅木營外沿江紮大營五座礮船排列錢江我軍疊次出攻內外夾擊不能得手十九日張軍門中礮陣亡城中日久望援而援不至餉道竟無由通二十五日有福建兵告奮勇攻羅木營通江道中丞許以重賞兵士踴躍定以三鼓造飯四更出隊而饒軍門再三阻止中丞不聽軍門乃密令部下至天明齊集

庚辛泣杭錄卷九

二

空放鎗礮而回事迄無成誠不知軍門之是何居心也十一月初城中糧盡升米銀壹兩尙無從購覓飢民滿街市哀號之聲不絕死者相繼於道凡草根樹皮以及水草浮萍舊牛皮箱等物無不取食甚有將人尸分割煮食以充飢端將軍昌託病不出關副都統福不肯發滿兵相助中丞日夜焦勞心力俱瘁城中無餉集議借捐胡觀察元博主其事共得錢十萬餘串以濟軍需初九日有賊於望江門來投誠林方伯信而受之給以黃金貳百兩並火藥鉛丸號衣紅頂藍頂花翎藍翎等件相約四鼓時出隊彼卽燒海

潮寺營盤爲內應至期我軍出擊賊初發空鎗繼乃鎗子如雨弁勇傷亡者不少賊薄我至候潮門城下適鳳山門空心砲臺火起幾至城破幸城上鎗砲齊發曾副將得勝率所部力戰賊遂退回是日下午武林錢塘清波門外各勇營盤皆潰而投賊十三日有放出監犯徐姓通賊訂期十六日黎明開城迎賊中丞訪得其實擒而殺之並正法同謀兵勇數人糧臺兵米缺乏碾動紳捐義倉存穀七千餘石以供兵食城中糧食搜羅淨盡宰驢馬分給將士迨初十日以後守城兵勇至居民家搜取食物隨有土匪引導搶

庚辛泣杭錄卷九

三

奪銀錢衣服內外大亂中丞親自查拿立正軍法其勢稍定初圍城時居民備粥飯挑送城上以享軍士凡需用木板麻袋一切一經傳知居民立即輸送至是怨聲四起民與兵仇矣延至二十八日兵勇已數日不食力不能支乃各潰散賊遂於已刻由各城扒進杭城被陷計自九月二十七日起水旱各門俱閉堅守兩月終以糧絕而破十二月初一日未刻滿城亦破賊入城擄物放火姦淫無所不至滿營中無論大小男女殺之俱盡遭禍尤慘瑞將軍殉難王中丞回署自經學使張侍郎錫庚文鎮軍瑞均死難

莊都轉煥文率泉州精勇突圍出武林門眾寡不敵  
遂投水自盡其自饒軍門及司道憲以下官員共有  
五六百人無一能出者城中官眷紳民人等計有六  
七十萬之多蓋以蕭山先於九月二十四日失守東  
渡之路梗塞故均坐困危城以待斃也其數也夫烈  
需次杭垣一家二十餘人同罹於難雖先後得出而  
已艱險備嘗爰將所聞所見之事歷歷記之浙江善  
後總局委員補用知縣華學烈誌

庚辛泣杭錄卷九終

庚辛泣杭錄卷九

四

將總局委員補用知縣華學烈誌

已於前報載其詳頃聞杭垣長文事想張

需次杭垣一家二十餘人同罹於難雖先後得出而

則之謂歟茲聞生團軍派員查獲匪其意也夫

十十萬之多蓋以蕭山先於九月二十四日失守東

五六百人無一能出者城中官眷紳民人等計有六

遂投水自盡其自饒軍門及司道憲以下官員共有

莊都轉煥文率泉州精勇突圍出武林門眾寡不敵

庚辛泣杭錄卷十

李圭思痛記

咸豐辛酉十一月二十八日粵寇再陷杭王中丞有齡張學使錫庚瑞將軍昌傑都統純文總戎瑞麟署布政使趾甯按察使曾綸暹糧道福胡道元博彭道斯舉朱道琦吳署仁和縣令保豐諸公死之駐防至闔營以殉嗚呼烈哉時余爲賊方某由金陵脅至石門方某者賊酋梁某黨也梁故與僞歸王鄧光明僞天將童容海習熟因挈余等於十二月中旬至杭僞歸王踞布政使署梁賊踞望仙橋一參鋪爲館方乃

庚辛泣杭錄卷十

一

館余等於附近雜貨鋪杭被困逾兩月糧盡援絕人皆餓死至是尙有鬻伏屍而食者悲慘之情目擊淚下余力勸方請於梁以米穀散給梁爲歸逆所親信事因得行一日歸逆下令各頭目分排面排尾造冊點名是日逆踞坐大堂衣黃袍裹黃綢手珠玉釧各三四事列方桌四於前置冊籍筆硯有曰軍政司者六人左右坐曰掌書大人者十餘人列坐其次點至一賊與侍逆同姓名歸逆怒殺其館先生黜其館目閱二日點畢共六萬餘人排面居十七排尾中男者居十二三女不及千人蓋欲核實數以給口糧也此

僅歸逆一股其他可知賊中度歲亦行賀禮衣鮮衣  
往來街衢頭目身著五色衣首纏紅黃綢乘馬六七  
人一起馬前各有舉僞銜旗者一人擎紅黃傘者一  
人馬後隨小賊一二人見館目則上前一跪館目答  
跪僞職較大不答跪略一蹲地種種賊態殊可噴飯  
頭目之婦亦多窄袖豔裝不挽髻用采線結辮盤額  
上抹粉塗脂乘馬以行有小賊一二人在轡首護持  
之往來稱賀賊嗜賭有所謂扛子寶者選錢二枚旋  
轉之覆以盃猜向背鬪聚徹夜不息云是楚中無賴  
所尙歸逆遣黨四出掠米穀積聚良山門內大倉幾

庚辛泣杭錄卷十

二

十萬石梁爲僞戶政司主之時賊令開倉由仁錢兩  
僞監軍派人持票領米分散城鄉賊館並領穀下鄉  
散種梁令分派十餘人往余與焉同事皆皖人性多  
直率有徐張二人尤良馴司持籌過斛暇時爲之講  
因果及詢遭難情事皆感動泣下此同治元年春二  
月事計在賊中已兩載矣每欲遁歸無路計惟得土  
人偕行或可出險因給徐張諸人曰倉中事繁人寡  
各館如有新擄之本地讀書人幸爲我察之徐曰聞  
屋左青龍街倪司馬館有胡姓者曾爲撫院幕被獲  
堅不吐實致激倪怒欲殺者屢矣昨尙見之余卽偕

徐往援至倪館坐甫定有二賊牽一人出年五十許短衣包首樵悴欲死意必是也直前詰之曰君胡姓耶請勿怖我乃來援君者此人瞠目無語因顧謂倪曰此浙撫幕胡某也與我有世交何磨折之汝不能用請交諸余倪知余爲梁賊館中人意頗怯怏怏與之偕胡回倉細詢其家世乃烏程縣明經名其昌號梅垞爲王中丞幕客曾以軍功得五品官頗長于詩與余酬倡甚相得時賊攻諸暨包村被擄者頗衆徐姓復於近倉賊館索得二人徐之中表行也涕泣欲余釋歸余曰頃遍地賊氛卽釋之歸何由達紹容緩

庚辛泣杭錄卷十

三

圖之詢其人皆博士弟子員也兩邑來領米者皆各縣書吏擇其善者與之議曰此閒有二人能爲我帶出送回家否果爾每一人多發米十石以酬爾勞皆曰諾慮其叵測復密授二人詩句以爲到紹驗先後皆如約余日與梅垞謀脫網羅蓋遲遲未作歸計者以離家漸遠不識道路豈甘心爲賊中人哉梅垞曰良知子意得偕行達上海則舊友吳平齋趙吟蕉兩觀察皆在弗憂無立足地然余亦不識道路柰何因憶某賊館有杭人邵子雲者亦被擄在賊中因往訪之無隙可談又明日使徐招之來一見若舊相識遂

時相過從與之密定同行約五月終復與梅垞子雲  
議子雲曰城外方家衝余家佃戶所居莊屋在焉出  
城先至彼暫避相機而動乃可詢余有川資否余曰  
賊每七日給青蚨三百悉用罄矣計將安出梅垞曰  
何不多發米變價以作資斧乃與領米者約多發百  
石石需番佛一尊次日買如數及檢視適用者僅三  
之一三人遂分纏腰際議定六月初六日潛行先一  
日晚飯後語徐張曰爾輩皆有室家人不幸被難皆  
非甘心投賊宜勉做好人卽賊中亦可積陰隲能遇  
機會脫險最是良策若輩亦以爲然然不知余翌日

庚辛泣杭錄卷十

四

卽行也臨臥復作書貽梁方諸賊大要勸其革面洗  
心賊中雖奢侈淫樂斷難持久宜與官兵聯爲內應  
獻城或乘機率黨反戈殺賊投軍營効力贖罪舍此  
必無善死法云云初六晨子雲來飯畢將徐張諸人  
藉事遣之他往遂偕梅垞子雲就近出艮山門守門  
賊弗阻以城外木橋已斷隔水莫能飛渡故復入城  
至武林門守賊盤詰詭以赴城外某倉收米應遂緩  
步而出行不百武折而向北直趨方家衝日午始至  
屋固在而人已去沿途巡賊往來絡繹暫避樓上出  
翦屬子雲爲余截去髮二寸許下樓擬取僻路東趨

海甯時賊於各屬榜偽示安民市肆貿易如常第各物騰貴一粗糲需百錢初九抵海甯日已酉甃飯未畢忽聞傳有賊數萬將過此居人駭逸余等急趨小徑得荒冢深處避之子雲謂倘前途梗塞而行莫若依舊折回渡錢江由紹興至甯波再圖他往是夜露宿次日仍不能行乃由小路回杭轉轉紆折甫于十六日午前至望江門外渡江江沙及膝備極艱苦及渡至赭山塢方欲就茶肆小憩又紛傳蕭山賊隊將到以近江民人殺害數賊盡來屠戮報仇渡江避難者紛紛余三人復夾入眾中推擠渡回既渡筋力皆

疲偃身臥沙上驚喘莫能作一語日已暮遂乘月色行竟日不得食艱窘萬狀蹙行二三里就古刹宿焉十七日黎明強起行日晡過塘西鎮得飽餐復西北行不數里日過午暘甚予雲仆于地余探囊得鍼刺其脣復得藥少許灌之良久乃甦以不識道路迴旋跋涉越八日抵烏鎮梅垞遇其弟某於絲行邀往小住驚魂略定正籌赴滬而梅垞又病以同患難不忍分手七月朔始由其弟代雇瓜皮小船夤夜間道以行初九日至南匯始出賊境薙髮搔首快矣哉復登舟行十一日抵上海慶更生焉梅垞乃薦余至其鄉

人吳樸堂廣文處司筆札廣文平齋觀察從子也

庚辛泣杭錄卷十終

庚辛泣杭錄卷十

六

人吳樸堂廣文處司筆札廣文平齋觀察從子也

庚辛泣杭錄卷十一

張爾嘉難中記

承平日久民不知兵我生不辰適逢其厄迄今追想  
歷歷可危吾家自前明初遠祖行中刑部公偕弟行  
素孝廉公隱居桐扣之槎溪

卽府志桐魚扣石鼓處

著有聯輝

集聚族而居耕桑世業先君牛農公年十五將棄儒  
塾師杏村李先生邑名宿也見先君學爲詩頗工勸  
仍讀課以文屢困於有司迨二十八歲始沐學使何  
文安公淩漢取入仁和縣庠設館授徒半耕半讀子  
幼承庭訓未嘗出就外傳咸豐己未歲試倖蒙文宗

庚辛泣杭錄卷十一

一

張文貞公錫庚取入仁庠時兒子穗生已識之無繞  
膝吟唔學讀桑麻半畝詩禮一庭怡然也先是咸豐  
三年粵西賊洪秀全竄踞金陵爲向軍門榮駐營遏  
截故大江以南靜謐如常幕上燕井底蛙相處嬉然  
若不知外事不意十年二月十九日省門忽閉礮聲  
震天衆曰長毛到矣蒼黃亂起不知所爲時予館於  
何氏之枕山書屋遙見西南火光徹夜避難者扶老  
攜幼紛至沓來風聲鶴唳草木皆兵及二十七日黎  
明清波門雲居山城垣地雷轟發省城遂陷巡撫羅  
遵殿布政使王友端署運使繆梓杭嘉湖道葉堃杭

州府馬昂霄仁和縣李福謙同時殉難在籍紳士戴  
熙等半皆盡節義民之死難者不下十數萬人噫慘  
矣按察使段光清平時頗著政聲至是冒雨攜眷親  
擁小隊啟艮山門由翁家埠渡江而遁杭協副將王  
邦慶與潰卒避海甯蓋賊之突犯我浙也賊目偽忠  
王李秀成以張軍門國樑圍攻金陵急效圍韓救趙  
之策故賊來不多上城盡蹂躪下城半瓦全而鎮浙  
將軍瑞昌尙堅守滿營正在急攻之際忽見張軍門  
玉良援兵馳至由南塘直抵艮山門督親軍緣梯登  
城拔賊幟樹張幟而賊誤爲張軍門國樑自來遂呼

庚辛泣杭錄卷十一

二

嘯出清波門經天竺越郎當嶺至大朱橋仍從來路  
竄回省城遂復時三月初三日也賊趨回金陵併台  
老巢之衆猛撲江南大營閏三月二十九日大營潰  
張軍門國樑陣亡四月初六日陷常州府十三日陷  
蘇州省城二十六日陷嘉興府敗兵紛紛到浙新授  
巡撫王有齡約提督張玉良馳赴石門防堵時則人  
心恇怯地棍橫行桐扣相近之佛日塢橫山等村温  
州棚匪糾黨嘯聚夜則搶劫晝則擄人勒贖名曰敲  
竹扛其聲勢相倚者則亭址盜魁一爲周天星向竊  
蕩魚一爲沈會武著名賭棍糾黨數百人魚肉鄉里

杭城之避難至鄉者莫不遭其荼毒吾家亦被劫一空王巡撫以外寇方張若嚴治內盜恐激而通賊卽因海甯梁紳仲山之請各給六品功牌號其黨曰良勇雖陽奉官符仍陰萌賊智而敲竹扛如故也惟改其名爲助餉耳桐扣星橋等處漸次波及因與何桐山浩欖山溶梓山慶昆仲稟請舉辦團練於候補道朱琦及駐劄長安之統帶彭斯舉吳再升諭飭良勇不得侵越塘南一帶始免滋擾六月嘉興賊犯石門張營潰回賊遂由石門焚掠長安平江勇覆沒於周家墳頭吳再升退守臨平有一悍賊手執黃旗偵探

庚辛泣杭錄卷十一

三

至星橋爲我團勇所殺羣情稍快無如賊勢愈偏人心愈危而良勇之勒索愈甚沈會武駕鎗船至小林詐擾鄉民憤甚聚而殲之周天星不知所終良勇遂散而投賊我處團防力難拒賊給貲遣散何桐山欖山挈眷渡江避居山陰之陶里吾族與鄰村避無路徒無資聽之天命而已是秋賊回踞石門吳再升又進紮長安苟安度歲十一年四月賊又焚掠長安吳再升仍退臨平其時赤岸半山雖有官兵紮營而徧地強梁更不成世界矣是秋見彗星於西北光如匹練昏見曉隱百日之中

龍馭上賓三凶授首似所徵不僅浙難也惟是秋收頗豐村民賴之苟延殘喘自九月二十四日蕭山失守而上游之賊漸逼省城北門遂閉凡附郭民房僧舍焚燬一空以仿清野之策城根則散置樹枝歧路則密釘梅樁吊橋早折濠河開以敗艘渡人初則門尚偶啟稍通出入派紳查明來歷其去而復回者給以籤回則驗籤放行城上則防旗戍鼓滾木礮位布置嚴整支蓋瓦房以代營帳守禦之法可謂周矣無如賊氛日熾燹火竟夕通紅尤可異者每日落時南方天鳴聲如沸潮昏後始靜十月初賊撲星橋防軍

庚辛泣杭錄卷十一

四

瓦解隨掠各村遇屋輒燒逢人卽擄拋兒撇女各不相顧是日歸沈氏次姪女因姪婿沈天時被擄卽至橫橋與父母泣別投水殉節夏春榮之人大姑二姑三姑亦俱赴水自盡

平定後報采訪局

旗郵

及晚賊麇聚

市館始各歸探視衣食被掠一空丁壯已失大半母氏黃目瞽艱於行動暫避東鄰小屋申天未曉各家仍出避潛伏長林豐草開但聞燒屋崩塌聲捉人叫喊聲殺人呼號聲慘情萬狀惟有吞聲飲泣而已繼而搜索榛莽無從藏匿村中人不畱一二是夜何梓山挈眷渡江欲投陶里嚴親命予攜妻兒急附梓

山行謂我年已邁或可免俟妥處汝母再定行止乎  
此際七情失據萬箭攢心梓山立待門外催促甚急  
恩慙別親且泣且走微趁星光繞出賊館至海塘就  
張家菴露坐待旦破曉有一船來人索番銀一圓各  
不暇較值頃刻已滿載挂帆南渡回顧塘上已有賊  
蹤躡至矣既過中泓舟滯淺沙距岸尚數里婦孺乘  
牛車餘皆跣而揭厲抵莫家灣暫息又折而至赭山  
隄其地離城寫遠外阻錢江雖非桃源土尙乾淨乃  
賃草屋暫作羈棲靜言思之此行雖順親意以慰親  
心回望滿天烽火生離膝下其何以堪十月十六日

庚辛泣杭錄卷十一

五

兩家眷屬投宿塘下之鎮海殿月明星稀搔首問天  
天亦不答十七日經靜江殿由黨山進塘遂至陶里  
雖有淵明故里之碣亦不暇顧也介桐山卜其鄰宅  
偕梓山以居始知紹郡各邑相繼淪陷踞城賊爲僞  
來王陸順祥各處鄉鎮皆設僞官派散日把賊卡以  
壯聲威令鄉官給門牌以斂財用適諸暨之義民包  
立身起義包村城賊攻之輒不利蕭山之楊清庵孝  
廉鳳藻亦聚白頭於赭陽白頭者首蒙白布身披白  
衣望之如雪柰衆如烏合紀律毫無會錢清把去賊  
目頗饒賊智覷白頭將至令賊衆潛伏故以財物散

遺道路閒白頭貪利爭攘已無鬪志伏賊突起猛攻  
白頭遂潰沒於西小江而楊孝廉亦奔包村矣是時  
省垣軍報不通糧空援絕先是彭道斯舉議築夾道  
於望江門外達錢江以通餉路爲饒軍門廷選所阻  
不果築胡紳光墉運糧米子藥數十艘由黃道關進  
龍子壘泊旋江心柰沿江皆賊終不能達張提督玉  
良自嚴桐回駐江干中礮陣亡而省城隨於十一月  
二十八日復陷王巡撫有齡回署自縊將軍瑞昌闔  
營自焚學政張錫庚都統傑純總兵文瑞布政使麟  
趾按察使甯曾綸糧道暹福候補道胡元博朱琦彭

庚辛泣杭錄卷十一

六

斯舉仁和縣吳保豐皆死之錢塘縣袁忠清杭嘉湖  
道劉齊昂前署藩司林福祥俱降賊當省城之將陷  
也江心渡船皆絕喬司外沙一路雖賊踪亦斷嚴親  
與永嘉二兄避於毛桃村未嘗來紹聞省城陷念親  
愈切急趨莫家灣探問適有偷渡小舟抵岸遇鄰村  
柏阿六詢我家近狀卽云爾父被戕於孔埠橋塊爾  
母不知生死余一聞此語魂不附體急附其船北渡  
冀得確耗是日爲臘八日僞忠逆方以浙省旣破噉  
爲三十六天將之劉懿鴻僞忠誠朝將錢貴仁踞守  
杭城分立軍師旅帥及司馬百長等各僞官妄稱安

民遂自率悍黨直犯松滬由上中下三塘水陸並進  
予甫抵岸賊趨如蟻欲避不得遂於范埠東爲賊所  
擄卽縛兩手與范埠一房姓者聯以辮髮曳之亂奔  
旋入賊館之內室予囊中錢二百洋三圓被賊搜去  
旣而裂帛作繩圍繞項頸與新擄諸人新擄者號  
新傢伙同  
繫原處楚囚相對徒自暗泣擄予之賊何姓湖北人  
其館中賊目吳姓江北人副目趙姓宜興人餘賊三  
四皆江西人斫柴燒火光照四壁各賊攔門而臥防  
守甚嚴次日黎明飽餐令房姓肩負兩囊予攜食鹽  
一袋徑由大路長行不停經過長安一路尸骸枕藉

庚辛泣杭錄卷十一

七

瓦礫縱橫不堪觸目凡新擄負重有億莫能支者或  
中途跌仆或蹇滯被戕余念及二親不能不勉強進  
行冀畱此身徐圖後計是日抵石門灣始打館歇宿  
兩踵皆腫次仍曉行幸未及里許鄉官已備船相候  
以館之大小派船之多寡登舟後房姓又善搖船招  
予幫曳艫繩始舒喘息十一日泊嘉興三塔灣十三  
日經朱家角渡泖湖一片汪洋舟行不速從此晝餐  
宵寢月日都忘矣約二十外泊泖之燒香山下天寒  
飛雪河冰膠舟一旦賊忽傳令上岸安營以度新歲  
蓋僞教以三百六十日爲歲無大小建無閏月排數

來年正月初五日爲僞教之除夕羣賊正在開濠築壘聞忽於正月初三日官兵出隊見楊字旗從南來賊譁曰發妖風矣畱老弱守船壯者迎敵不意北路又有官兵潮湧而來形同蟹箝兜裹老賊知勢莫敵見機而逃勇悍者狼奔幼弱者鳧溺予立船頭瞭望離岸不過三丈官兵漸近正危迫間忽見上流一船舟子似吾鄉口音促予過船一躍而登瞬抵西岸回顧船已蕩開舟子不知所在豈慈航一葉默示護持耶自此遂脫樊籠中途苦乏川費每遇善士或畱餐宿或贈行滕二月初附桐鄉便船初八日行抵屠甸

寺鎮道逢許敦甫表弟亦承周郵初九日再過長安但見瓦礫荆榛淒涼萬狀新橋上南有屋數間絕無居人至袁家壩民屋稍整略存小市望家愈近歸思愈急到喬司纔日過午也遇舊鄰人鵠面鳩形幾不相識亟詢吾家近狀據云屋盡焚燬嚴親已避山陰老母仍居小屋私衷稍慰喬司亦有把卡賊目爲筱天義鍾姓亦有小店幾家自東而西皆支草屋惟畱陳馬朱三家廳屋而已遂買鮫團米糗茫茫歸家拜母問安母聞兒聲欣然起坐疑是夢裏相逢喜出望外岳母亦幸同居無恙除德嘉三兄被擄未還外二

孀母曹氏三孀母陳氏永嘉二兄夏氏二嫂駱氏三  
嫂暨鎮鑣兩姪皆慶生存特枯瘠異常非復昔時面  
目客冬草根樹皮度過殘臘近得糶糠稍知穀味遂  
將所買米煮粥一鍋連糕糗聚而食之其味勝瓊漿  
玉液也族人惟明岡叔阿輝弟及陳氏王氏兩孀母  
未罹浩劫餘皆被難吁可傷已明日購備米鹽畱奉  
老母暨岳母子卽馳赴陶里父子夫妻朋友再世重  
逢額手相慶何桐山昆玉擬挈眷還杭予眷亦附舟  
同歸母親黃太孺人先於二月二十三日壽終不及  
躬親視含畢生之罪可擢髮數耶獨生前尙得一面

庚辛泣杭錄卷十一

九

接音欵良非偶然遂治薄棺草草殮殮今念及此淚  
涔涔下也舊居盡付劫灰一家五口暫賃數椽蜷縮  
度日竊幸豆麥豐收人皆得食育蠶雖少絲繇價昂  
藉資俯仰時喬司軍帥王忠良師帥李友孝旅帥家  
明岡叔安民之地差徭供應賴以周旋駐省賊目爲  
三十六天將劉懿鳩粵人也凶惡貪戾衆呼爲劉剝  
皮趁纒絲刈麥之際迫各鄉官按戶勒索名曰寫大  
捐又派百姓排日解灰作煎硝之用如不敢解灰進  
城者由旅帥僱人挑解每擔折錢二百文名之曰出  
灰錢凡過路落鄉之打先鋒者稱爲野長毛常有虛

驚朝不保暮詎一難方脫一難又遭六月初五日僞  
福建主將王五馥悍賊也綽號黃老虎自松江敗回  
一路打館擄人勢甚洶猛予聞信後偕鄰友避石門  
洲前鎮十一日聞賊退復回至臨平西茆橋不虞南  
岸有賊伏於斷垣之陰陡起攔截鄰友脫逃予又被  
擄至小林之上環橋賊館始則拘閉深屋繼說要新  
傢伙出講道理至外廳見賊目面麻若鬼赤膊跣足  
面南箕踞左右隅坐兩賊小把戲執刀旁侍被擄五  
人麻繩反綁雙手北面並跪賊曰現在糧草不足要  
許多人何用命推出斬之均各乞命則曰送你歸老

庚辛泣梳錄卷十一

十

家上天堂就是好事立時將中間一人推出門外桑  
地斬訖卽提首繳令四人又哀乞不已始問能裁縫  
否能挑擔否皆曰能卽牽至裏屋釋繫獨予呆若木  
雞其隅坐兩賊曰且再問你能寫字否能起稿否余  
答曰能麻面賊立呼小把戲放綁急切不得開以刀  
割之命東坐賊讓予坐予亦放膽遂坐卽令小把戲  
出筆硯令起稟稿予問何事卽曰稟請發糧問以格  
式曰且起稿再說遂寫一稿讀與聽之但曰如此便  
好又令寫兵冊卽照原冊編錄其偽銜乃德天豫麾  
下巡查陳世發年二十一歲係安徽懷甯縣人父母

已故弟在營妻子無其次曰聖兵某某曰精兵某某  
曰牌尾某某年分爲天父天兄天王太平天国壬戌  
十二年六月寫畢與看又曰好察其色甚善卽改稱  
曰先生噫生死相關祇爭俄頃豈非數耶卽命小把  
戲領入與孫姓醫生同處一室其人向習搖鈴走方  
術本不精字亦較遜所存兵冊卽其手筆伊得一幫  
手亦頗欣然次日賊頭云有絲十數車先生可同老  
弟兄到買賣街去銷賣買些魚肉回來大家好飽吃  
幾餐來日天光卽黎卽要拔館進省願者同去不願  
者放行予以爲到街或可乘機脫逃孰知老長毛前

庚辛泣杭錄卷十一

七

後押定無機可乘遂偕回館將絲賣錢若干魚肉買  
錢若干逐一報明賊云何須計較你不知長毛情事  
模模糊糊過去便了明日五更造飯後呼予出云我  
等此番進省分派各處把卡先生在此恐受驚嚇不  
如同進省城可覓些銀錢使用彼時心欲求放恐遭  
不測不敢開口其三人則竟放行因思同擄五人一  
死四生又一畱三放豈非前數注定耶祇得行吾患  
難而已遂與孫醫同行進武林門德天豫麾下營  
都在梅東高橋左右遂打館景宅卽前廣東潮州府  
景江錦故居牆上隨寫門條標貼於外爲德天豫所

見卽問巡查曰寫字先生老乎新乎對曰新來又曰  
明日黃大人開印須寫賀聯可煩先生進來翼晨進  
見其人頗文秀不纏大辯不服小袖并自述祖上讀  
書已亦業儒姓李名大德湖北漢陽人謂本館先生  
所撰聯句不甚工望爲改作予忖度領賊不甘且易  
招嫉忌因謝曰祇慣塗鴉未諳繡虎然自此常以筆  
墨相屬賀聯用黃紙爲圖硃書圖心貼黃綾上狀若  
輓聯七月初先飭各造兵冊彙而作總並云天京被  
困緊急奉忠王令過七月拔隊全行以顧根本僅留  
老弱守館予一聞此言恐脅入金陵更難解脫亟籌  
歸計探得各門嚴查非牌照不能出惟武林一門查  
驗尙寬七月十二夜闔館鬪牌至曉倦不能起同房  
之孫醫患病不省人事予取其小犒衣大腳褲單服  
於外潛出館趨武林門門未啟至洗馬橋暫坐突有  
追扭逃館之人屬予暫看答以身有要公不能代管  
怱怱卽走城門已開適有首黃巾身黃衣之賊策馬  
前驅後無跟人予卽逐馬飛奔守門賊以予爲跟馬  
從人馬上賊亦不回顧一逕北馳至左家橋予遂折  
而東過得勝橋遇一鄉人之賣冬瓜者忽云爾非逃  
長毛乎前面路口有賊徵收瓜稅視此穿着必不能

過詢以百姓衣服能過否則曰可遂脫外罩孫醫衫  
褲擲瓜擔上與鄉人同行至路口果有桌橈攔路收  
納瓜稅者卽問云是逃長毛否答以姚店橋雜貨行  
夥由湖墅收帳回來卽故與挑瓜者佯爲招呼若似  
曾相識者賊不復詰但云直前行走不可鬼頭鬼腦  
像逃長毛模樣遂過白田坂到坍總管堂略歇驚魂  
方定至橫塘遇胡君肖眉留我飲食代喚一鄉老引  
道並假以籃盛以瓜若出市歸者經丁橋賊卡竟免  
盤詰平安到家一門骨肉再世重逢喜而悲悲而喜  
如夢如覺有不可以言語形容者時繼王忠良而爲

庚辛泣杭錄卷十一

三

軍帥者沈小湖祖琛先予入學者也由明岡叔之薦  
到局幫司筆札一爲餉口計一免野長毛之擄入局  
後與門斗顧瑞祥同司帳務未幾賊於湖墅設招賢  
館開科取士稱試官曰提舉呼秀才曰莠士以秀字須避僞

諱也

凡軍帥名下無人應考職須黜革小湖欲以予塞  
責不應強之因思一行偶玷終身莫贖遂逃避於南

沙之楮山鳴俟試畢方回從此更跬步不敢出門矣  
聞仁和之提舉係從賊之錢塘縣李作枚與考者三  
十餘人首題太平一統江山萬萬年次題爲將必有  
爲將之學問詩題草木咸沾雨露恩一榜盡取無遺

新進莠士頭裹紅巾身披藍衫足踏花鞋赴卡拜客  
各贈賀儀貪鄙之徒捷足先登則僅送青蚨二百文  
稍存羞恥者自顧不雅仍不作莠士面目是歲秋收  
大稔賊亦開倉收漕按畝苛斂而佛日塢橫山等村  
之棚匪時聞搶劫不堪其擾因買南埭章姓之屋而  
遷居以避之是冬各省軍務皆有起色左巡撫宗棠  
蔣布政使益澧劉按察使典高提督連陞已由三衢  
收復金衢軍聲大振洪逆因加守浙各僞目王號以  
固衆心封陳炳文爲僞聽王錢貴仁爲僞比王石門  
之鄧光明爲僞歸王餘杭之汪海洋爲僞康王海甯

庚辛泣杭錄卷十一

十四

之蔡元龍爲僞魏王嘉興之廖禿子爲僞榮王湖州  
之王五馥爲僞堵王一時南北分顧各守城隘鄉間

數月稍免野長毛之害明年同治二年賊則爲癸開

亥改  
爲開

十三年正月大軍收復浙東繼而海甯蔡元龍

投誠改名元吉其軍爲吉字營僞主將童容海先降  
於皖營

以後皆不  
知所終

使其專邊嘉湖之賊庶官軍無北

顧之憂此後嘉石漸次收復杭城孤立無援僞聽王

陳炳文潛有投誠之意密遣艮山門外僞監軍朱春

至左營獻降委杭州府薛時雨遣仁和舉人朱汝霖

上元都司陳元慶全椒文生楊景洪六安傅鴻恩某

縣金廷良同至艮山門外朱春之監軍偽署覘賊虛  
實乃事機不密爲餘杭敗入省垣之汪海洋所知糾  
同劉懿鳩錢貴仁立遣賊隊圍按監軍偽署朱舉人  
等五人同時被害平定後請  
卹葬于姚店橋時距克復省城僅  
四日耳左帥聞而大怒攻城益急守賊不支啟門逃  
逸杭省遂復時同治三年甲子二月二十四日也是  
年六月曾帥收復南京洪逆先以憂死至是粉骨揚  
灰將僞忠王李秀成逆兄洪仁達執而梟之傳首受  
害地方八月閒一人肩馱牌示鳴鑼前導一人擔二  
頭籠一人手執令箭徧行鄉曲以彰

庚辛泣杭錄卷十一

五

國法以快人心至水鄉各鎗匪如桐鄉之施尙嵩卽  
施麻子平湖之王英美卽王四相石門之周上林卽  
周三仁和大麻之林聖貴卽林毛頭山鄉棚匪如佛  
日塢之毛崇秀林阿丑姚阿星李大空等蔣藩司遣  
兵拿獲梟首示衆城中紳士胡光墉等舉行善後事  
宜招集流亡資遣難民瘞埋屍骨拯濟殘黎大憲奏  
請輕減錢漕停徵關稅從此四民安業重享  
昇平不可謂非大幸也吾身之屢死獲生吾家之屢  
散復聚冥冥中如有神護焉惟所居之槎溪平時固  
是樂郊亂後轉成危地以南有喬司海塘中有臨平

上塘北有塘樓下塘西有省城大路水陸進兵悉爲衝要不得以遠祖昆仲隱居於此遂作避秦地觀也歷憶所遭心猶驚悸恐子孫安享承平未悉難中苦楚不加警省因錄此以示後人語雖俚鄙皆實事焉

庚辛泣杭錄卷十一上終

庚辛泣杭錄卷十一

夫

庚辛泣杭錄卷十一

張光烈殉烈記

咸豐庚申之變粵逆于二月二十七日先陷杭城母姚太恭人聞信卽舉家移下城僻處戚某家冀可暫避當時賊來不多惟與駐防營兵相轟擊尙未擾及城廂僻處故戚某家無一人見賊者三月初三日聞賊退乃還故居一路尸骸橫臥血水盈盈賊聚杭城之西南隅殺戮尤慘母歸視室中已搜括無遺守門者云城陷賊卽至旣去復來迄敗走後始止幸見機走避未嘗遇賊也至次年九月復聞警信杭城內外

庚辛泣杭錄卷十一

七

營壘徧地旗幟成行一日戚某至眉感汗淋謂某處賊至某處兵潰環城十門已加鑰矣伯舅某急往探之信然浙民習於浮靡富室無甌石儲城閉米值驟昂母盡鬻釵珥以給饗煇久之雖樹皮草根居民猶苦難得餓夫行道土每仆而死氣未絕兩股肉已爲人割去營兵以索糧爲名輒入民居任意搜括母聞之命終日閉門倩鄰人加鑰於外書門上云某姓已移某處若空室然於是兵過不入有事則登梯呼鄰以匙開之乃得出賊則日加多連營樹柵爲長圍之計時家中米久告罄乞于親族無應者一家十口嗷

嗽待哺母憂急無計時攜幼兒倚樓泣惟伯兄雲侶  
一日踉蹌而至以衣盛米置懷中母泣而受之長幼  
男婦因得飽啖一次米既盡乃食麩麥及糠粃久之  
食馬料豆味甚苦蓋平時飼馬者光烈時方八歲聞  
僕婦云值較平時之米更貴十倍一日按室中得鹽  
漬橄欖一甌爭相咀嚼母方諦視聞廚役阮升云昨  
晚有饑人倚門斃矣隔鄰有斫賣饑尸肉者盍囑彼  
移去母駭曰賣人肉乎對曰然三日前已見其操刀  
矣母乃出語伯舅某曰城必破矣勢至于此又焉能  
支我一婦人死何足惜柰子女何伯舅某亦慘然入

庚辛汧杭錄卷十一

六

夜輒羣坐廳事仰見火光四起直凌霄漢礮聲徹夜  
不絕牆外有吶喊而過者係居民夜巡姦宄每聞之  
益悲十一月賊至愈多攻城益急有往城上覘賊勢  
者歸云疲卒饑兵危在旦暮二十八日晨起寂無礮  
聲俄聞鄰人騎牆高呼氣急口吃語不能清伯舅某  
急入告云城已破矣柰何母默然良久揮淚登樓意  
圖自盡一時兒號女啼牽挽而下母呵曰止吾一婦  
人其能於賊騎中率汝輩逃命耶且此時徧地皆賊  
吾苟出里門一步他日有何面目見人伯舅某力勸  
少待乃謀徙鄰室居未穩有一賊破門直入擄掠而

去頃之又有入者則短刀懸臂梟賊也母怒謂賊曰  
有死而已詎怕爾哉賊以刃相向母隨以手中物擲  
擊之賊怒拔刀直犯母久饑無力刀及于頸而身仆  
遂殉難于缸兒巷里第年三十有九嗚呼傷哉

庚辛泣杭錄卷十一下終

庚辛泣杭錄卷十一

充

庚辛泣杭錄卷十二

秦緇業陳鍾英平浙紀略

同治二年八月十六日督辦軍務浙江巡撫左公旣以富陽之克入告擬由嚴州前進而賊別由績歙欲竄援杭州左公以嚴州爲居中策應要區仍暫畱駐趣蔣益澧進攻杭州益澧請調聞家堰西興各營渡江會勦翼以水師漸徧清波鳳山兩門別派副將劉清亮率六營助康國器魏喻義等進取餘杭益澧自駐畱下相機策應賊僞聽王陳炳文僞歸王鄧光明僞朝將汪海洋等見官兵分道並進於杭州負郭要

庚辛泣杭錄卷十二

一

隘重重堅築壘卡城外繞建木柵並喉餘杭踞賊僞欽王謝天義等併力死守爲犄角之勢自倉前長橋女兒橋老人坡東塘西谿埠觀音橋三墩縱至武林門外北新關橫至古蕩連營四十餘里以拒我師二十五日偵知汪賊領黨前赴餘杭益澧卽令高連陞率所部進攻十里長街洋將德克碑率花勇同知魏光邴率親兵四哨爲之接應王月亮率所部及閩楚營依山列隊以防清波門一路楊政謨劉連陞羅啟勇率師船沿江而下黎明水陸各軍俱抵濠邊陸師拔開樁籤水師排放鎗礮賊驚惶失措官軍乘勢湧

入立破街口大壘三四百賊殲焉街後賊數千憑壘據守不敢出戰我軍亦以進攻路狹未遽深入正相持閒城內出驍賊萬餘高連陞縱令偏近乃揮眾迎戰王月亮等橫出抄之礮船連環轟擊賊大潰追入第二重卡斃賊頗多並鎗斃賊中一夷人賊退入城官軍亦收隊還二十六日益禮令高連陞等節節移營進屯十里長街六和塔萬松嶺等處先占高地俯瞰城中而自率徐文秀馬德順赴東嶽廟察看形勢乘賊不意揮軍急進立破三卡斃賊數十餘賊梟水逃去各壘堅踞不出九月初六日辰刻城賊萬餘由

庚辛泣杭錄卷十二

二

雷峰塔及餽頭鳳皇九曜等山分四路來撲官軍新壘其旗幟之鮮明隊伍之整齊迥與前異我水陸各軍高連陞王月亮劉連陞楊政謨羅啟勇等亦分路迎敵賊從對嶺鳴鼓馳旂而下官軍鎗礮排擊諸將往來馳突殪先鋒賊數十賊卻仍前余朝貴高有志由江邊繞至高連陞橫出山腳魏光邴劉清亮實德稜各率所部繼之縱橫盪決士氣益厲師船礮無虛發賊大敗走追奔至餽頭山沿途斬賊三百餘鄧光明陳炳文自率死黨據險督戰仍驅敗賊回撲沿街破屋中伏賊千餘鎗發如雨高連陞等督眾奮擊王

月亮率各營由九曜山萬松嶺一帶衝殺而出賊勢不支始狂奔入城我軍直追至城邊乃還初八日益漴令王月亮甯世杰進軍天馬南屏兩山羅山綱進軍翁家山別派礮船向饅頭山一帶轟擊使賊不得成列高連陞等出隊備禦至申各壘遂成賊不敢偏益漴旋於畱下河內搜獲賊小船三十餘艘改造礮划分布萬春廟楊家橋何母橋梧桐村蔣村各隘日夜巡防以固餘杭運道十三日賊於楊家橋築一壘益漴令徐文秀率勇乘夜攻之擒斬百餘賊餘多溺死乘勝過河攻破一小壘又斬賊數十奪獲米船數

庚辛泣杭錄卷十二

三

艘擒賊言饅頭山之戰僞歸王受傷遁回是時左公疾新愈而營中疫氣未息聞花旗賊由甯國竄浙境湖州賊由武康來援杭州杭賊專待嘉湖之援並資接濟而餘杭實爲湖杭要衝與杭州尤唇齒相結不克餘杭卽杭州不能合圍蔣益漴一軍僅扼杭州之西面餘杭各營亦止圍其東南而兼徧其西顧北路無重兵屯駐兩城之賊往來自若終莫能制其死命雖局勢漸穩而戎機尙難迅速左公上疏具言之賊復於餘杭東門至杭州倉前長橋女兒橋等處添集驍黨由何母橋欲襲餘杭諸軍後我師擊走之而嘉

興等處驍賊數萬新集杭州十月十八日天微明乘大霧迷漫潛由萬松嶺撲營張志公憑濠拒之賊偪前丁賢發率所部從山嶺馳下入壘助守約一時許高連陞督率余朝貴張志順等馳至張志公丁賢發出壘奮擊賊少卻洋將德克碑率勇助戰並令淺水輪船然放開花大礮轟斃數賊楊政謨劉連陞羅啟勇各率師船擊退沿江之賊登岸衝殺見水陸大隊齊至分拒酣鬪兩時我軍愈奮斃賊數百賊大敗其出清波門者亦被王月亮所部暨閩字營截勦潰回各軍乘勢追殺斃賊尤多十一月左公移駐富陽初

庚辛泣杭錄卷十二

四

十日率輕騎馳赴餘杭督攻半月仍回富陽大營駐橫溪頭並議由北路築壘分軍襲取瓶窰絕其餉道畱楊昌濬暫駐青山而令蔣益澧回畱下布置益澧抵營後昌濬連得謀報知因官軍急攻餘杭各路援賊均趨重杭州西北餘杭東北并杭城悍賊亦多出援有自城中逃出者皆言賊將併力爭餘杭昌濬意賊旣趨重餘杭則杭州守禦必疏隨函商益澧乘隙先攻附城各賊壘以休之益澧以爲然十二月朔令提督高連陞洋將德克碑會攻鳳山門外賊壘親督馬步各隊排列錢塘門外秦亭山棲霞嶺一帶以防

城賊之援連陞等數道並進賊紛紛揚旂而出尙未成列諸將大呼陷陣師從而突之賊披靡退入石壘我軍躡蹤急破一壘殲其守賊自辰至午賊望風竄復破九壘直追抵城隍山脚而楊政謨劉連陞等率師船攻江邊石壘亦破之共斃賊二千餘奪獲鎗礮無算益禮卽令高連陞分所部據賊五壘德克碑據二壘偪之惟餘古蕩賊壘及近城兩壘次日各軍力攻仍未拔益禮令各營分屯錢塘湧金鳳山清波等門直踞饅頭山雷峰塔秦亭山爲營圍賊中央而請調橫溪徐文秀等五營助攻古蕩左公從之並檄衢州鎮總兵劉培元統領錢江水師各營以一號令且令糧道楊昌澹伺擊餘杭之賊賊愈窮感杭賊亦自守不暇初五日水師劉連陞楊政謨羅啟勇梁雲山彭大光等進攻清泰門外觀音堂賊壘分兵縱燒附城民屋以誘城賊賊果出連陞等擊斬數十賊初六夜賊於錢塘門外偷撲我營羅山網擊敗之劉培元以西湖一帶多汊港恐有伏賊遂令蔣榮彩劉仁和等拽數十舢板戰船由閘口過嶺入湖初八日榮彩等擊斃賊百餘奪獲礮船三艘划船十餘歲闌雨雪兩城之賊堅伏連旬我軍亦未進攻三年正月杭州

之師晝夜攻城偵知賊援嘉興二十五日高連陞會  
合劉連陞水師各營及洋將德克碑所部攻克望江  
門外三石壘斃賊千餘直逼城下賊礮石如雨仰攻  
數時始還先是僞聽王陳炳文於上臘遣其兄陳大  
桂赴江蘇大營乞降巡撫李公鴻章決其議於左公  
隨令同知辭時雨伴送大桂來浙乃炳文不俟大桂  
回報卽將杭城謀內應者悉行殺害左公以賊誠款  
未著藉空言爲緩兵計謂大桂如炳文實投誠應卽  
獻城散衆以表信迨二月十七日大桂入城久無耗  
密令蔣益澧相機圖之二十一日益澧令高連陞率

庚辛泣杭錄卷十二

六

四營攻觀音堂賊壘劉清亮五營及水師劉連陞唐  
學發羅啟勇率所部助之周廷瑞徐文秀率湘軍六  
旗攻古蕩賊壘楚軍一營閩軍兩營助之德克碑發  
大礮轟攻鳳山門親兵四哨助之黎明高連陞等進  
撲觀音堂官軍奮勇齊上一躍過濠羣賊驚竄立破  
兩壘數卡炳文率黨萬餘來援劉清亮劉連陞諸軍  
踵至益澧督親兵並馬德順馬隊馳往策應敗之時  
德克碑轟倒城垣三文餘益澧調轉大隊赴之守備  
丁賢發等及洋兵十餘先登賊恃鎗礮力拒我軍受  
傷百餘高連陞王聯芳俱裹創督攻久乃收隊徐文

秀等因古蕩賊壘隔水環攻未下分兵旁攻葛嶺賊  
由錢塘門趨援蔣榮彩賀國輝邀擊敗之遂破葛嶺  
二壘殲賊七百餘各壘之賊望風奔潰曹魁甲胡榮  
連破古蕩二壘徐文秀周廷瑞及王東林進克武林  
門外二壘追至十里街而還是日共破十壘壘二十  
三日蔣益禮復令徐文秀等四營攻十里街賊壘劉  
清亮等七營擊武林門援賊劉清亮等三營及蔣榮  
彩水師攻錢塘門附城賊壘高連陞率四營會合德  
克碑進攻鳳山門王月亮率兩營進攻清波門劉連  
陞謝永祐唐學發羅啟勇布興有等各帶一半水師

登岸分攻望江清泰兩門益禮自率親兵馳赴武林  
門督戰徐文秀周廷瑞王東林賀國輝督隊銜枚疾  
走比近長街始發號鳴鼓各勇爭先拔取木椿竹籤  
越濠而進賊伏壘中排放鎗礮我軍被傷數十徐文  
秀親執小旂冒矢石躍過內濠周廷瑞賀國輝繼之  
士之先登者屢蹶文秀亦受矛傷士益憤怒陳炳文  
復率黨萬餘來搗劉清亮王東林等分路截擊席得  
元以親兵四哨策應賊少卻周廷瑞等攻壘垂破城  
中又出援賊數千益禮急令謝茂勝陳念親率洋鎗  
隊偕城門迎擊先出者悉被傷餘賊不敢復出惟炳

文力戰不退壘賊恃外援守益堅鏖戰三時殺賊無數而我軍亦傷亡四百餘會大雨驟至官軍嚴陣不動雨止仍攻直至薄暮收隊清波清泰各門賊壘亦因鎗礮稠密未能攻克而賊之精銳盡喪炳文氣沮是夜四更潛啟武林門而竄益澧偵知城柝漸稀人聲鼎沸卽令徐文秀周廷瑞賀國輝王東林劉清亮李運榮翁桂秋李世祥馬雲標胡榮李國棟羅山綱葉紀來等大隊分從武林錢塘兩門衝入自率親兵繼之徐文秀周廷瑞王東林等並由武林門一帶截殺悉捕街巷匿賊駢誅之賊尸枕藉填委人馬騰喧

庚辛泣杭錄卷十二

八

殺聲振聞數里高連陞德克碑王月亮劉連陞唐學發羅啟勇謝永祐余朝貴張志公張政順丁賢發姜子豹布興有等水陸各軍同時由鳳山清波慶春清泰等門梯城而入四路勦殺其斃賊數千生擒千餘拔出難民無數所獲鎗礮器械不可勝計遂於二十四日卯刻克復杭州省城是日黎明餘杭賊酋汪海洋亦啟東門從瓶窑一路竄走左公疏告捷並言杭州爲全浙根本餘杭又爲杭州西北屏蔽賊首陳炳文汪海洋負嵎死守力抗大軍數月以來攻勦殆無虛日茲幸兩城同時克復浙西大局漸可次第肅清

此皆仰賴

皇上神威文武諸臣同心協力得以迅奏膚功又僞北王錢貴仁前曾遣人納款獻城因謀洩而止追攻克杭城貴仁率黨千餘叩求免死左公以貴仁雖劫於凶威未能立功贖罪而事前通款尙可貸其一死附奏分別遣畱疏入得

旨嘉獎閩浙總督左宗棠加太子少保銜賞穿黃馬褂浙江布政使蔣益澧提督高連陞均賞穿黃馬褂益澧並給雲騎尉世職道員楊昌濬康國器朱明亮均加按察使銜國器並以福建道員遇缺簡放總兵

庚辛泣杭錄卷十二

九

王月亮以下同知魏光邴以下文武四十三人敘功賞賚有差杭州初克左公卽傳令申儆各軍嚴禁攜帶婦女搬運器物出城一面設局安撫難民令紳士胡光墉購米賑濟訪明被難婦女家屬所在分別領送三月朔天大風雨左公拜疏後卽由餘杭入城杭州連年再陷久爲賊踞屋廡僅存鳳山錢塘門內被害尤酷斷瓦頽垣蒿蓬沒路湖山佳勝徧地腥羶一旦洗而清之遺民鳩形菜色次第來歸皆嘔吁歎息以爲不圖復有今日也左公爲之慨然嗣行經滿營追思瑞傑二公之忠勇闔城之義烈躬率僚佐設筵

爲文痛哭而奠之一時從祭及旁觀者無不流涕其日天氣陰霾顏雲如墨若有萬靈雜遝乘風雨而下者祭後倏然清朗人皆異之浙實輿區負阻易守而難攻兼吳會皖南氛合響應軍從三衢一路窺入重關堅城所在連衡旣不能銜尾橫刀直劓巢窟復不能擊其首尾以潰腹心力戰銳攻勢且棘手賊用數十部之眾席百戰之餘畢智殫力以死負固乃左公提一旅之師轉戰而前不三十日恢復省城豈非長算勝略而能使之然哉

浙江擅絲茶魚鹽之利產米素少杭州九屬澤國居

庚辛泣杭錄卷十二

十

半承平時輸漕五六十萬石賴江蘇湖廣之米以濟民食至省垣則米尤騰貴較之數十里外價輒贏千錢有奇富室菽米不入城郭常平義倉俱無積蓄咸豐十一年杭州再陷雖力盡援絕亦由掘鼠煮弦無食以爲守故也迨同治三年杭州克復難民來歸者日眾至人皆乏食楊昌濬商請左公設以商代賑之法下令收買銅錫鐵鉛茶葉並備婦女揀茶而以米給值民賴以濟全活甚眾三月十三日左公附奏言臣於三月初二日進駐省垣巡視各城堞身閒有轟塌之處尙易修葺惟駐防城身概行拆卸房屋但存

牆壁省城以內倉庫衙署俱已蕩然無存街市房屋亦大半拆燬聞無事時省城內外居民共有八十一萬餘口現除逃亡死故外陸續來歸及存留遺民合計不過數萬口一片劫灰傷心慘目蓋兩次淪陷被禍爲尤酷也現已遴派員紳設立賑撫局收養難民掩埋屍骸並招商開市一面將急須修濬工程辦理以期通商惠工暫救時局左公初入卽傳令申儆各軍嚴禁攜帶婦女搬運器物出城先是在藉道員胡光墉豪於財杭州初次失陷賊以城內居民力協官軍守陣恣行殺戮輒反接其手每纍牽數十人而駢

斬之伏屍盈地流血成渠貞婦烈女相率赴水城河爲滿賊退後貌皆如生光墉捐貲具柩或兩人一棺埋之湖上及城之再陷也光墉先領銀六萬兩往上海湖北購米不及則具海舟入甌子壘泊錢塘江僻處全濟頗衆泊左公大軍入浙檄光墉來謁首繳還前領銀六萬兩並輸助軍餉左公察其可任令經理賑撫局務於是購米爲食訪明被難婦女家屬所在分別領送修義渡復牛車以便難民渡江來往牛車者爲水沙而設從前江多沙少幾可直達西興嗣於東岸漲沙數里每逢潮至沙皆沒水潮退又阻淤泥

貧窮婦女無力僱肩輿者蹀躞泥中時有陷踝滅頂之患或倩人背負亦多危殆且無以別男女之嫌自捐設牛車迎送潮泥中而民皆利涉賊擾遂廢至是復之並收城鄉暴骨數十萬具分葬大家於岳王廟左里許及淨慈寺右數十武地繚以粉垣而阡表之江干湖墅則就近掩藏之存歿以安先是二年六月奉

上諭浙省疊遭兵燹小民流離失所自應將該省漕糧量予減免著將杭嘉湖三屬稅則各按重輕分成核奏辦理左公既平浙遂於省城設立清賦局議減

庚辛泣杭錄卷十二

三

三分之一並裁革浮費定爲經制從此吏畏其法民安其業最爲善政之大者又以海塘坍塌潮入浸灌民田事關七郡水利奏令前按察使段光清於塘身後築土備塘一道高寬各數尺屹然保障繼左公撫浙者蒞澤馬公新貽合肥李公瀚章暨楊公昌濬並盡心講求石工柴壩以次修復均有專案茲不具載他如北新關繫杭州一方民瘼奏請停止割釐以抵權稅濬治西湖南湖城河以便農商建修各祠宇書院以興祀學招集遠方農民以墾荒蕪城中採積米穀至十餘萬石左公疏內所稱二臣與臣共事多年

信心有素於整軍治民之事必能補臣缺漏仰答  
恩知者也

同治三年八月全浙告平凡用兵兩載有奇而其初  
之失之也亦非一朝一夕之故浙省負山阻海魚鹽  
饒沃人物滋豐財賦之利亞於江南自粵賊颺起浙  
之調兵籌餉遂無宴日矣其始浙不知兵遙恃金陵  
大軍爲援歲供餉銀七十二萬上海軍月四萬浙餉  
屢乏識者固已憂之歲己未十月江皖就浙江貢院  
舉行鄉試諸生及姻婭僕從由皖南來者衆且盈萬  
關隘莫能詰賊之南下也固心豔蘇杭金帛子女未

庚辛泣杭錄卷十二

三

嘗一日忘惟久枕浙中虛聲又不諳路徑未敢徑犯  
會逢是役其渠魁乘便入偵備知虛實其時羅公遵  
殿甫蒞任甯防告警防議未定值江南軍克九洲洲  
金陵賊窘甚僞忠王李秀成僞侍王李世賢及吳廷  
彩陳炳文諸賊由六合渡江集蕪湖謀擾浙以分官  
軍之力而紓金陵之圍甫度歲卽率黨由南陵疾趨  
十年二月初三日廣德州陷浙省門戶盡失十八日  
走狗葬夜焚良渚聞者尙以爲土匪也十九日黎明  
賊至武林門已入十數騎人猶未覺統帶寶勝勇候  
選道陳炳元登城望知其爲賊始傳令閉城擾攘閒

賊之闖入者竟不可蹤迹云蓋賊稔知是日爲觀世音大士誕辰大吏必至天竺欲邀戕之湖上乘勢搶城而未知故事皆以十八日預祝也遂分圍武林錢塘湧金清波等門城中除滿營外僅有撫標各營兵二千餘署鹽運使繆梓傑勇二百協防局團勇三百都司姚發科福勝勇五百城外則有江南大營新募江西勇二千人過境未去其按察使段光清所部親兵四百皆先出守餘杭之獨松關爲賊所格二十日光清由獨松關回援且戰且行滿營應之乃得入城旋調甯紹台道仲孫懋興勇二百助守二十二日賊登玉皇山段光清繆梓各出隊民團隨之見賊驚潰官兵亦不戰而歸二十五日賊於湖上立十餘營光清率親兵及江西勇三路出戰皆敗初羅公知浙軍不足恃奏調道員蕭翰慶由湖北率訓字營赴浙過徽州值太平旌德不守張公芾令助勦克復三城又畱其副章志俊一軍翰慶馳躡賊後至湖州虹星橋與賊戰以兵單敗死芾遣革職提督米興朝由徽州來援頓富陽不進縱兵掠爲民團所圍殺傷數百時賊踞饒頭等山爲壘取淨慈寺羅漢象環壘執旂城上望以爲賊發礮多中之賊居高瞰城中礮子雨落

至是守陴者皆怯矣始被圍巡撫飛章告急並乞師於金陵向公榮遣提督張玉良赴援二十二日副將向奎率前鋒千五百人至平望取道海甯赴杭屯清泰門外李定太由湖州率軍來援均與賊隔絕二十四日張玉良率所部二千餘人至蘇州吳中大府意謂援杭且不及欲令向奎駐嘉興張玉良駐湖州陰固蘇省門戶以故玉良過常熟皆飲之酒俾閱城置守而後行杭州城中段光清主戰繆梓主堅守望援師眼穿賊於清波門外西竺庵掘地道日夜擊金鼓亂其聲丁憂紹興府照磨陳奉彝請開城內地道以

庚辛泣杭錄卷十二

一五

防之繆梓以爲然連日雨甚工不得就二十七日卯刻雨止地雷忽發城塌數丈賊湧入梓在城上禦賊死之城陷巡撫羅公遵殿署布政使王友端杭嘉湖道葉堃甯紹台道仲孫懋署杭州知府馬昂霄署仁和县縣李福謙皆死之候選道陳炳元亦巷戰陣亡浙屢警旋平士民習而安之此次賊來剽疾遷避者不及十之一二賊圍城鋪戶多集丁壯助守及破猶力鬪傷賊頗多是夜賊仍退出城二十八日賊衆盡入恣行屠戮死者填路人馬不能行將軍瑞昌與都統來存佐領傑純率旗兵力守滿城婦女亦撚矛刺

賊賊憤屢攻死傷枕藉終不能克張玉良於三十日晚行次湖州三月朔日乘小舟以六百人進抵武林頭知省城已失初二日全軍抵武林門城外無賊營故莫之阻是夜五鼓令勇士由艮山門民屋上置梯攀城大呼先登斬其守賊賊見張字大旂驟驚愕謂副帥張國樑實來又以滿城未下在其肘腋所過城邑均未置守既飽掠恐官軍大至合圍斷歸路且揣知金陵大營空虛謀還襲之卽於初三日棄城由湧金清波走瓶窰出獨松關破孝豐竄回甯國縣廣德州一帶此次賊來犯浙者不及萬人原爲圍魏救趙之計初不意杭城空虛而破之之易也卒以人寡勢孤不守而去浙境乃得復清

庚辛泣杭錄卷十二

十一

咸豐十年杭州旣失旋復未幾嘉興告陷賊雖據我門庭而杭湖守險難攻固皆完善也九月初七日富陽不守將士死傷甚多浙撫王公設奠於仙林寺哭之哀十月賊由富陽餘杭兩路分撲杭州城守數日出擊獲勝始得解圍迨十一年九月二十九日紹興告陷而杭城孤危西存一困守之湖州東畱一彈丸之海甯則幾無節不斷矣諸將由東陽諸暨退回饒廷選所部閩軍習不爲壘居城中共護林福祥出軍

望江門外賊至潰還楊金榜營於饅頭山十月初二日賊從慶春門繞至清泰門金榜率六成隊擊退欲以通江路也西湖賊見金榜出戰從淨慈寺後撲襲其營金榜收隊而營已失敗賊復回來擊軍潰自剄不殊爲賊慘戕而死僞聽王陳炳文於羅木營結五壘初五日張王良至自富陽文瑞况文榜踵至力攻羅木營破之兵疲甚暫息爲食饒廷選謂姑徐之城無應者賊乘夜仍搶築成壘遂合圍十門並於清波門外及鳳皇山夾木爲城中竇以土鑿穴安鎗礮日夜轟擊張王良屢攻賊壘並令江頭礮船夾擊弗克十九日王良送客出營門還中賊飛礮折右脛將士以船護送至聞家堰而卒城中奪氣二十五日閩軍自請攻羅木營饒廷選阻之王公不聽廷選乃令部下俟天明齊出放空鎗而回圍至十一月初旬城中糧盡升米值銀三兩候補道胡元博主議借捐民踴躍從命集錢十餘萬串而已無米可購饑民哀號滿街市浮萍蕉葉草根樹皮皆盡折取新舊皮籠爲食僵斃相望其後死者或割食先死者肉以延殘喘將軍瑞公病甚乍浦副都統傑純屢欲出戰而杭州副都統關福堅持不發兵初九日有賊從望江門外

來投誠林福祥信之給黃金二百兩及軍火號衣紅藍頂花翎約官軍四鼓出隊彼燒海潮寺賊營爲應至期如約往賊先發空鎗礮旋加彈多傷士卒追至城根適鳳山門空心礮臺火起城幾破副將曾得勝力戰城上賊始退是日武林錢塘清波門外各營皆投賊十三日有放出監犯徐姓通賊約期開城門事發斬之至是兵食亦盡碾義倉穀七千石并殺馬驢以餉王公與士兵均甘苦至以糠糲攪米煮粥對之流涕林福祥以下其家人或日食蠟燭數枝軍士有接取民家食物者土匪導之擄掠城中大亂巡撫自

庚辛泣杭錄卷十二

六

出擒斬數人勢稍定城之初圍也居民備粥飯擔送城上餉軍若需用木板麻袋等物片紙下立卽輸送而是月杭州紳士胡光墉以鼈船由甯波運米二萬石從黃道關入江十五日泊三郎廟守數日湖州紳士趙炳麟亦由上海以輪船運米至遇颶風返皆不得通時賊糧亦罄李秀成欲回蘇州度歲陳炳文深知城中虛實不肯去延至二十八日守軍已數日不食乃各潰散賊於巳刻由各門梯城入遂陷巡撫王公有齡學政張公錫庚處州鎮總兵文瑞署布政使麟趾按察使甯曾綸糧道暹福道員胡元博彭斯舉

朱琦署仁和縣知縣吳保豐皆死之初彭斯舉度地勢復議自望江門築甬道適福建新解礮至令斯舉試放礮裂傷額幾殞議遂格吳人候選主事周騰虎慷慨奇士王公撫浙招至杭州檄辦洞庭山團練而太湖已爲賊踞則由山路開關走廣信謁左公軍門備陳杭州艱危狀旋從江督曾公於安慶請援皆不及城中惟日望李元度安越軍來援先是李秀成於八月由江西竄浙賊二十餘萬九月朔攻衢州數日不下乃解圍東走以偪杭州寢至危急衢警漸平元度亦至因無餉駐城外旬餘進攻龍游兩月不下接

庚辛泣杭錄卷十二

七

杭城告急帛書亟商撥發衢防兵接攻龍游不應乃收軍赴援杭州旣陷城中官五六百無一得出居民六十餘萬半已餓死時嚴寒被驅出城東死江干及被擄殺而死者不可勝計巡撫王公先令壯士持書帛遺摺并絕命詞縋城出由海塘走黃道關交胡光墉轉達上海署蘇撫薛煥爲之代奏其略言紹興失而杭州不守咎由紹興團練大臣王履謙臣死不瞑目云李秀成以禮殮巡撫學政及文總兵題曰忠臣某官之柩交林福祥暨署杭巡道劉齊昂送之上海旣至當事咸臨奠而發視之貌皆如生王公頸帛猶

繫張目忽動血淚併落人莫不異之十二月朔日滿  
城亦陷將軍瑞公縱火自焚副都統傑純力戰死之  
闔城皆殉詳述浙中喪敗所由亦得失之淵藪也然  
死事數公大節凜然雖將略不長而見危授命律以  
與城存亡之義又何憾焉

庚辛泣杭錄卷十二終

庚辛泣杭錄卷十二

三

庚辛泣杭錄卷十二終  
不事遺公夫情激熱銀根細不具而長欲母命事以  
國難言銀籍數部中喪頰視由衣掛尖支離殘忍然  
越衣困探軍誰公繼火自焚屬將將餘衣彈天公  
業重目愈憤血冠我故人莫不異之十二月廿二日續日滿

庚辛泣杭錄卷十三

王定安湘軍記

浙江負山跨海夙號輿區寇興浙處偏陬未被寇軍  
撫狃故習亦未嘗討論戎事遙恃江南大營爲屏蔽  
歲竭賦稅銀七十萬供軍咸豐十年正月張國樑克  
九洑州金陵賊益危懼僞忠王李秀成僞侍王李世  
賢乃謀擾浙江以解金陵長圍連陷涇旌德太平甯  
國四縣甯國總統周天受不能救二月戊戌陷廣德  
遂犯浙邊癸卯由東亭湖陷安吉由泗安陷長興杭  
州戒嚴巡撫羅遵殿新自湖北來徵調蕭翰慶率楚  
軍六千往救道遠弗能至

庚辛泣杭錄卷十三

一

詔和春兼督浙江軍以提督張玉良爲總統率江南  
軍援浙時杭州僅李定太軍二千餘赴援泗安安吉  
皆不及遇賊梅溪敗績退保湖州庚戌賊犯湖州曾  
秉忠水師至自蘇擊走之壬子夜賊從山徑陷武康  
癸丑夜焚良渚甲寅黎明薄杭州武林門入千數騎  
猶未覺候選道陳炳元率勇巡城知爲賊城始閉賊  
遂分圍武林錢塘湧金清波諸門城內兵勇三千餘  
按察使段光清自獨松關回援巡撫檄甯紹台道仲  
孫懋入省助守鹽運使繆梓因守衢州有功仍主堅

守段光清主戰丁巳賊登玉皇山段光清繆梓率兵  
圍出擊團勇見賊先潰兵亦不戰而還庚申賊於湖  
上立營光清親攻之復大敗壬戌清波門地雷發城  
坍繆梓死城上巡撫羅遵殿布政使王友端杭嘉湖  
道葉莖甯紹台道仲孫懋杭州知府馬昂霄仁和知  
縣李福謙俱死之陳炳元巷戰歿在籍侍郎戴熙亦  
殉節是時滿城猶未破將軍瑞昌率駐防男婦嚴守  
三月乙丑朔張玉良以輕軍六百乘小舟至大關知  
省城已失丙寅全軍薄杭州而城外無賊壘度賊兵  
少夜五鼓由艮山門攀堞上殺守賊十餘人軍士大

庚辛泣杭錄卷十三

二

呼天嚮明賊見張字旗以爲張國樑至潰奔出城遂  
克杭州追之萬松嶺賊走臨安孝豐長興還竄廣德  
益以新至江北皖南諸寇勢益張遂銳意解金陵圍  
閏三月江南大營陷四月蘇常繼陷張玉良自蘇州  
還走杭州庚寅賊陷嘉興浙中大恐巡撫王有齡令  
玉良收潰卒萬二千圖嘉興七月己酉破嘉興南門  
阻水不得入潮勇通賊謀變乙卯大營潰十月張玉  
良收嘉興潰卒攻嚴州克之賊遂由富陽餘杭分犯  
杭州瑞昌王有齡城守數日遣文瑞等出擊走之遂  
收餘杭迨十一年九月處州紹興相繼陷浙中郡州

惟衢州湖州海甯僅存杭州益孤危巡撫王有齡起  
丞佐號綜覈初履任則奏止湘軍事亟乃奏調李元  
度劉培元皆不至復乞援曾國藩國藩以軍未集辭  
湘軍已克安慶威聲震中外而左宗棠新軍戰江皖  
屢有功有齡復奏請宗棠援浙而以帛書開關達安  
慶乞援國藩發其緘僅血書鴿候大援四字國藩深  
悲憫之繞室達旦不能寐已乃奉旨命國藩兼制浙江提鎮以下聽太常寺卿左宗棠  
調遣國藩薦宗棠專浙事

庚辛泣杭錄卷十三

三

踰四萬王有齡復奏請李元度募八千人入浙且擢  
爲按察使元度至龍游阻遏不得進而僞忠王李秀  
成已薄杭州撲武林門踞我營卡布政使林福祥總  
兵饒廷選引兵還省城十月丁巳賊由慶春門至清  
泰門楊金榜要擊敗之西湖賊襲破其營金榜戰死  
庚申張玉良至自富陽況文榜踵至攻羅木營賊壘  
破之兵疲甚暫憩具食賊乘夜復成壘遂合圍杭州  
十門自海潮寺至鳳皇山樹木城以隔援師甲戌張  
玉良中飛礮死城中益恐糧道旣絕石米值百金居  
民捐緡錢十餘萬然已無米可買死者盈路草根浮

萍蕉葉旣盡乃煮皮籠爲食十一月浙紳胡光墉自甯波運米二萬石泊三廊廟趙炳麟自上海以輪船運米阻颶風皆不能達是時賊糧亦罄李秀成欲回蘇州度歲僞聽王陳炳文持不可守城軍士已數日不食癸未賊倚梯以登守軍散走城上無阻者杭州遂陷巡撫王有齡自經於署學政張錫庚提督饒廷選總兵文瑞署布政使麟趾按察使甯曾綸鹽運使莊煥文糧道暹福道員胡元博彭斯舉朱琦署仁和縣知縣吳保豐皆死之越四日滿城皆陷將軍瑞昌縱火自焚副都統傑純巷戰死李秀成以禮殮巡撫

庚辛泣杭錄卷十三

四

學政及總兵文瑞縱林福祥暨巡道劉齊昂送之上海發視之貌皆如生十二月

詔左宗棠爲浙江巡撫宗棠佐湖南軍事十年明習

戎機及奉

命襄辦親歷行陣所向皆捷杭州之陷也曾國藩上

疏自劾奏薦蔣益澧爲浙江布政使同治元年正月

曾國藩奏言杭州旣失左宗棠擬由徽郡進攻嚴州

下以扼杭城之吭上以作衢州之蔽迨十一月壬午

克嚴州二年正月復紹興蔣益澧乃領萬人攻富陽

以規杭州富陽背山面水西接七里隴東屬錢塘江

易守難攻自桐廬之克杭州賊始懼悉力拒富陽三月僞聽王陳炳文率蘇常賊僞歸王鄧光明率杭嘉賊出臨安攻新城冀襲富陽官軍後宗棠發嚴州軍合蔣益澧軍援之四月益澧率高連陞駐新城南楊政謨度賊集新城杭城空虛率水師燒寇舟直搗望江門賊壘平之杭州賊大驚陳炳文等乃撤援富陽諸賊還杭城七月宗棠以富陽久圍不克增調康國器粵勇蔣益澧亦請徵法國總兵德克碑率洋鎗隊會富陽八月庚辰蔣益澧大舉攻富陽壬午克富陽益澧以劉清亮屯新橋王月亮屯富陽自領諸軍薄

庚辛江杭錄卷十三

五

杭州偪清波鳳山門而軍宗棠令康國器魏喻義攻餘杭僞康王汪海洋自杭州出援國器要擊敗之自倉前長橋縱至武林門北新關橫至古蕩賊營延四千里西達餘杭益澧屯畱下令高連陞屯六和塔萬松嶺據高阜俯瞰杭城九月城賊萬餘由雷峰塔犯新營高連陞等擊走之追至饅頭山壬子進屯天馬南屏諸山而魏喻義亦據青山康國器據寶塔山以偪餘杭國器破城南長沙堰卡遂圍攻南門喻義敗賊石門橋賊復於餘杭東門迤邐至杭州女兒橋增集悍黨欲繞何母橋襲餘杭官軍後十月蔣益澧令

劉樹元等列隊何母橋遂於天水護國方家太平諸橋增築四壘以扼賊嘉興賊大舉援杭州乘霧潛度萬松嶺劉志公憑濠拒之高連陞馳至洋將德克碑以淺水輪船夾擊楊政謨率水師登岸攻之賊大奔十一月丁卯蔣益澧楊昌濬黃少春合兵萬三千戰餘杭城西北所殺傷相當其夜賊築三壘以拒軍楊昌濬駐青山蔣益澧還畱下十二月癸酉朔益澧令高連陞德克碑攻鳳山門自督馬步列錢塘門外秦亭山棲霞嶺以阻寇援連陞等數道並進破賊壘十道之城隍山楊政謨水師亦破江邊石壘甲戌益澧

庚辛泣杭錄卷十三

六

令諸軍分屯錢塘湧金鳳山清波四門據饅頭山雷峰塔秦亭山爲營圍賊中央乙亥楊昌濬進攻北門賊出拒戰黃少春魏喻義劉明鑑三路乘之賊乃稍卻劉墩等攻杭城西北隅賊來抄爲朱明亮所敗賊賊始困時雨雪兼旬賊堅伏未動丁酉雪霽楊昌濬攻餘杭破五卡三年正月庚戌高連陞德克碑攻克望江門石壘三先是僞聽王陳炳文遣族兄陳大桂赴蘇州乞款巡撫李鴻章移書宗棠圖之炳文忽中變殺杭城謀內應者宗棠知賊藉空言緩兵乃令陳大桂入城責炳文獻城散衆久不報宗棠益促益澧

攻城癸巳高連陞攻觀音堂破三壘陳炳文出萬人來敵益禮督親兵合馬德順騎隊馳之炳文不能支德克碑以炸礮擊鳳山門城坍三丈丁賢發率壯士及洋兵十餘先登賊以鎗礮死拒我軍傷亡百人高連陞王聯芳俱裹創再進卒不克甲午益禮益獎勵諸軍陳兵五門令劉清亮等禦援寇益禮自率親兵至武林門督戰別遣徐文秀攻城北長街文秀銜枚疾走比近長街始吹角搖旂軍士爭拔木椿竹籤越濠而入賊伏壘發礮登者輒斲文秀執小旗冒礮躍入內濠周廷瑞賀克輝繼之陳炳文率萬人來爭劉

庚辛泣杭錄卷十三

七

清亮王東林席得元分路截擊賊少卻時長街賊壘垂破城內復出賊數千益禮急令洋鎗隊逼城門迎擊先出者皆斃餘賊退入城惟陳炳文猶戰城外自日中至暮殺賊數千我軍亦傷死四百徐文秀受矛傷其清泰清波諸門亦以堅壘未克始各收軍是夜陳炳文開北門出走益禮聞城柝漸稀頃之人聲鼎沸知賊已逃卽整部入城諸軍分門大進乙未克杭州餘杭賊汪海洋亦棄城東走與杭賊合奔德清左宗棠奏報兩城同克

詔獎宗棠太子少保銜益禮雲騎尉世職俱賞黃馬

袞提督高連陞以下給獎有差三月壬寅宗棠移駐  
省城遣楊昌濬攻武康高連陞攻德清蔡元吉攻石  
門當承平時杭州城內外居民男女八十一萬口及  
復城才七萬口宗棠申虞獲之禁婦女財物各從其  
主禁軍士無入民居招商開市奏停杭州關稅立清  
賦局減杭嘉湖稅則三之一布政使蔣益澧亦輕財  
致士杭州善後事一時翕然稱之

07187

庚辛泣杭錄卷十三終

庚辛泣杭錄卷十三

八

姓士林獻善對軍一制錄然稱之  
細風賦林嘉麟露眼三之一市吏野燕益數衣神根  
王禁軍士無入另風從商關軍奏請歸州關正  
助銀木十萬日宗棠申虞獲之禁婦女財物各從其  
門當承平時杭州城內外居民男女八十一萬口及  
復城才七萬口宗棠申虞獲之禁婦女財物各從其  
主禁軍士無入民居招商開市奏停杭州關稅立清  
賦局減杭嘉湖稅則三之一布政使蔣益澧亦輕財  
致士杭州善後事一時翕然稱之



